

Směrnica bžezwokrejsnego města Cottbus/Chóšebuz k pšizwólenju stipendija za studěrujucych na wuceński amt w pšedmjaše serbščina

§ 1 Zaměr

Město Cottbus/Chóšebuz pšizwólju wótpowědnje toś tej směrnicy lětnje jadnej studěrujucej/jadnomu studěrujucemu na wuceński amt w pšedmjaše serbščina jaden stipendij ze zaměrom, spěchowaś serbsku rěc a kulturu a z tym zawěsćić wažny kulturny póklad w našom měsće. Toś ten zaměr se dojspijo z tym, až se stipendiatka/stipendiat zawěžo, na 5 lět wugbaś swójo wuceńske žěto na jadnej šuli w zjawnem nosařstwje města Cottbus/Chóšebuz.

§ 2 Wuměňjenja

(1) Stipendij mógu na pšosbu dostaś studěrujuce, kótarež w zakładnem grundständigen wucabnikowskem studiju studěruju pšedmjat serbščinu, abo na podobnu wašnju absolwěruju wukubłanje, kenž wótpowědujo wustawkowemu zaměroju.

(2) Stipendiatka/stipendiat jo winowata/winowaty, pšespytowanja zasadnje absolwěrowaś w regularnem casu studija. Dowolowe semestry se njegódnosć ako fachowe semestry a njamaju se toś pšilicyś do regularnego casa studija.

(3) Pšizwólenje jo mimo toho wězane na winowatosć, absolwěrowaś pšigótowańsku službu na šuli w zjawnem šulskem nosařstwje města Cottbus/Chóšebuz. Toś ta pšigótowańska služba ma se zachopiś w běgu šesć mjasecow pó wuspěšnem zakóńcěnju studija we wótgłosowanju ze Statnym šulskim amtom a městom Cottbus/Chóšebuz. Nastawaju-li wobstojnosći, kenž njelaže we wliwowej sferje stipendiatki/stipendiaty, płaši cas šesć mjasecow w zmysle toś teje směrnice ako zachowany, teke jolic wopšawdny zachopjeńk služby w šuli lažy pózdžej nježli šesć mjasecow.

(4) Wuceńske žěto w měsće Cottbus/Chóšebuz a šuli z póručenim serbskeje rěcy ma se wugbaś nanejmenjej pšě lět wósebnje w pšedmjaše serbščina abo bilingualnej wucbje ze dolnoserbskeju wuwucowańskeju rěcu. Pšizwólenje stipendija njejo wótwisne wót toho, lěc se toś to wuwucowańske žěto pšewježo w połnem abo žělnem casu. Pši wužywanju staršejšyskego casa pódlejšyjo se toś ten cas wězanja wó wótpowědny cas.

(5) Pšawniske wupominanje pšosbu stajajucej/stajajucego na pšizwólenje stipendija njewobstoj, skerjej rozsužijo město Cottbus/Chóšebuz na zakłaže słušnosćiwego rozważowanja we wobłuku k dispoziciji stojecych etatowych srědkow.

(6) Wušej toho njepšizo spěchowanje do pšašanja, gaž ten studěrujucy abo ta studěrujuca dostanjo stipendij pšez howacne tukrajne abo wukrajne institucije, wósebnje pó směrnicy Bramborski stipendij za krajne wucabnice a krajnych wucabnikow.

§ 3 Wašnja, cas a wusokóć

(1) Stipendij pšizwóljo se pód wuměnjem ředowanjow § 5 ako pšipłašonk bžez slědk płašnja. Zachopjeńk spěchowanja jo stawnje mjasec zachopka zymskego semestra, w kótaremž se zachopijo wótpowědny studium pó § 2 wótstawk 1 toś teje směrnice. (za wětšy žěl 1. septembra)

(2) Stipendij pšizwóljo se pšecej za cas nanejwěcej 60 mjasecow a wucynijo mjasecnje 500,00 euro. Spěchowanje kónčy se zasadnje z wótběgom mjaseca, w kótaremž jo se studij wuceński amt wótzamknuł. Pši tom płaši datum wopisma wusokeje šule. W zwisku z § 8 wótstawk 4 toś tych wustawkow mógu se we wopšawnjonych jednotliwych padach teke druge kósty pšewzeš, dalokož góži se z tym wótpowědowaš zakładnemu zaměroju wustawkow.

(3) Pši pšetergnjenju studija k wužywanju starješyńskego casa za wótkubłanje góleša až do dokónconego 1. žywjěńskego lěta pšizwóljo se stipendij za maksimalny cas 12 mjasecow dalej. Dostawański cas pó wótstawku 2 se wótpowědnje pódlejšyjo.

§ 4 Winowatosći sobustatkowanja a dopokazanja

Stipendiatka/stipendiat ma napšešiwo městu Cottbus/Chóšebuz slědujuce dopokazowańske winowatosći:

(1) Wob cas studiuma ma se w kuždym semestrje w běgu styřich tyženjow pó zachopjeńku semestra z pšedpołożenim aktualnego imatrikulaciskego wobkšušnja dopokazaš, až se studij absolwěrujo.

(2) Wuzjawjenje negatiwa k dostašeju drugich spěchowanjow w zmysle § 2 wótstawk 6 toś teje směrnice.

(3) Pó zakóńcenju studija a pó zakóńcenju pšigótowańskeje služby ma se kuždy raz wuspěšne zakóńcenje bžez komuženja dopokazaš pó dochaže pšespytowańskego wuslědka z pšedpołożenim wobkšušoneje kopije kónčnego wopisma.

(4) Zachopjeńk wuwucowanja ma se bžez komuženja pó pšiwzešu žěla dopokazaš z pšedpołożenim žěłowego dogrona resp. wumjenjeńskego wopisma w zastojnskem poměrje na probu. Za cas wězanja pó § 2 wótstawk 4 ma se lětnje k 15. januarioju dopokazaš, až se wugbajo wótpowědne wuwucowańske žěło.

(5) Jo-lic se wužywa starjejšyński cas, ma se wuzjawiś cas, kak dłužko nejskerjej trajo.

(6) Dalej maju se wšyčne změny, kótarež mógli se wustatkowaś na płasenje stipendija, w běgu dweju tyženjowu pisnje zdžěliś fachowemu wobłukoju šule města Cottbus/Chóšebuz. To płási wósebnje za kuždežkuli pšetergnjenje, pódlejšenje abo wótlamanje studija.

§ 5 Winowatosć wopłaśenja

(1) Město Cottbus/Chóšebuz ma pšawo, stipendij slědk pominaś pši eksmatrikulaciji bžez wótzamknjenja, gaž eksmatrikulacija bazěrujo na pšicynach, kenž ma stipendiatka/stipendiat sam/sama zastupowaś. Wugbaśe ma se dalej wopłaśiś, jolic se njedopołniju winowatosći pó § 2 wódstawk 2 do wódstawka 4. Winowatosć wopłaśenja wobstoj tejerownosći, gaž dostawařka abo dostawař njedopołnijo winowatosć dopokazanja pó § 4 směrnice pšez cas šesć mjasecow njeglědajucy na dwójne napominanje.

(2) Zarownańskego pominanja móžo se wzdaś, gaby zarownanje za dostawařku abo dostawařa wóznamjeniło wósebnje kšute póšěženje.

(3) Wobstoj-li winowatosć wopłaśenja, ma se slědk płasenje zadaniś z lětnje pšě procentowymi dypkami nad sajźbje bazisoweje dani.

§ 6 Wusajženje płasjenja

(1) Płasenje ma se wusajziś tak dłužko, ako dostawařka abo dostawař njedopołnijo dopokazowańske winowatosći pó § 4 toś teje směrnice. Pšawo na slědkpominanje južo wupłašonych pjenjez pó § 5 toś teje směrnice wóstanjo pši tom njedotyk njone.

(2) Płasenje se wusajžijo za cas pšetergnjenja studija. § 3 wódstawk 3 jo z tego wuwzety. Wucynijo-li pšetergnjenje studija a z tym zwězane wusajženje płasjenja w sumje dlej ako 18 mjasecow, tak jo z tym zwězane to awtomatiske zwignjenje pšizwólonego stipendija.

§ 7 Stajenje póžedanja

(1) Póžedanje na stipendij ma se njeformelnje pisnje zapódaś pši fachowem wobceřku šule města Cottbus/Chóšebuz až do 30. septembra lěta, w kótaremž ma se studij resp. wukubłanje zachopiś.

(2) Póžedanju maju se pšipołožys slědujuce pódložki:

- pó wopšimješu pšiměrjone pismo z pódaśami wó doněntejšnem angažemenśe w zjawnem serbskem žywjenju
- žywjenjoběg
- wopóznanjona kopija wopisma powšyčneje wusokošulskeje zdrjaťosći
- joli take su, dopokaze wó južo w studiumje dojspitych wugbaśach
- (bžezformne, pisne) wuzjawjenje zawězka k § 2 wótrězk 4

§ 8 rozsud

(1) Wó pšizwólenju stipendija rozsužijo fachowy gremium wobstojecy z

- wjednistwa decernata l.1 ako teke
- zagroniteje/zagronitego za serbske nastupnosći města Cottbus/Chóšebuz
- zastupnice/zastupnika wuběrka za kubłanje, kulturu a serbske nastupnosći.

Rozsužijo fachowy gremium z wětšynu.

(2) Rozsud wó pšizwólenju stipendija stoj we winowatostnem rozważowanju toś toho fachowego gremiuma a pšewježo se na zakłaže wuběrańskego rozgrona.

(3) Kriterije we wobłuku wuběrańskego rozgrona su pšerěžkowe znamki wopisma powšykneje wusokošulskeje zdrjałosći, doněntejšny angažement w zjawnem serbskem žywnjenju ako teke snaž južo w běgu studija dojspite wugbaša.

(4) We wobtwaržonych jednotliwych padach mógu se teke wužywaś druge resp. wudopołnjujuce měritka, kótarež su wužytne za wustawkowy zaměr, aby se twórił rozsud za pšidatne pšizwólenje. To mógu byś wósebnje jězdne kosty resp. druge wěcne kosty, kótarež su trjebne za zachopjenje a/abo dalejšnje wustawkam wótpowědujucego wukubłanja.

§ 9 Nabyše płašiwosći

Toś ta směrnica nabydnjo płašiwosć na dnju pó zjawnem wózwjawnjenju.

Cottbus/Chóšebuz, dnja 16.07.2025

pódp. Tobias Schick

wušy šofta